

**SBB**

SAVEZ ZA BOLJU BUDUĆNOST BIH

Klub poslanika  
Predstavnički dom Parlamenta FBiH  
Ul. Tešanjaska 24a  
71 000 Sarajevo

Informacije: +387 33 216 209  
fax: +387 33 261 255  
e-mail: [klubposlanikafbih@sbb.ba](mailto:klubposlanikafbih@sbb.ba)  
[www.sbb.ba](http://www.sbb.ba)

Broj: 01-03/15  
Sarajevo, 08.01.2015. godine

**BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE BIH  
PREDSTAVNIČKI DOM  
n/r g. Edin Mušić, predsjedavajući**

**Predmet: Prijedlog zakona o izmjenama Zakona o plaćama i naknadama u organima vlasti Federacije Bosne i Hercegovine**

Na osnovu čl. 179., a u vezi sa čl. 163. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07 i 2/08), dostavljam Vam **Prijedlog zakona o izmjenama Zakona o plaćama i naknadama u organima vlasti Federacije Bosne i Hercegovine**, radi razmatranja i usvajanja u Parlamentu Federacije BiH. Na osnovu čl. 172. Poslovnika Predstavničkog doma Parlamenta Federacije Bosne i Hercegovine predlažem da se isti razmatra po skraćenom postupku iz razloga što se ne radi o obimnim izmjenama navedenog Zakona.

U prilogu Vam dostavljam tekst Prijedloga zakona o izmjenama Zakona o plaćama i naknadama u organima vlasti Federacije Bosne i Hercegovine s obrazloženjem na bosanskom jeziku i elektronsku verziju istog.

S poštovanjem,



PREDSJEDAVAJUĆI  
KLUBA POSLANIKA SBB  
U PREDSTAVNIČKOM DOMU  
PARLAMENTA FBiH

*Beganović Nasir*  
Nasir Beganović

**KLUB POSLANIKA SBB  
U PREDSTAVNIČKOM DOMU  
PARLAMENTA FBiH**

**PRIJEDLOG**

**ZAKON  
O IZMJENAMA ZAKONA  
O PLAĆAMA I NAKNADAMA U ORGANIMA VLASTI  
FEDERACIJE BOSNE I HERCEGOVINE**

**Sarajevo, januar 2015. godine**

**ZAKON  
O IZMJENAMA ZAKONA O PLAĆAMA I NAKNADAMA U  
ORGANIMA VLASTI FEDERACIJE BOSNE I HERCEGOVINE**

**Član 1.**

U Zakonu o plaćama i naknadama u organima vlasti Federacije Bosne i Hercegovine („Službene novine Federacije BiH“, broj 45/10 i 111/12) član 11. briše se.

**Član 2.**

Ovaj zakon stupa na snagu osmog dana od dana objavljivanja u „Službenim novinama Federacije BiH“.

PREDSJEDAVAJUĆI  
DOMA NARODA  
PARLAMENTA FEDERACIJE BiH

PREDSJEDAVAJUĆI  
PREDSTAVNIČKOG DOMA  
PARLAMENTA FEDERACIJE BiH

## O B R A Z L O Ž E N J E

### I. – USTAVNI OSNOV

Ustavni osnov za donošenje ovog zakona sadržan je u odredbama člana IV.A.5.20.d. Ustava Federacije Bosne i Hercegovine.

### II. – RAZLOZI ZA DONOŠENJE ZAKONA

Članom 11. Zakona o plaćama i naknadama u organima vlasti Federacije Bosne i Hercegovine („Službene novine Federacije BiH“, broj 45/10 i 111/12) propisano je da „Izabrani dužnosnici i nosioci izvršnih funkcija nakon prestanka obavljanja javne funkcije, a do zasnivanja novog radnog ili ugovornog odnosa ili do ispunjavanja uvjeta za penziju, prema općim propisima, imaju pravo na naknadu plaće koju su ostvarivali dok su obavljali javnu funkciju u trajanju od 12 mjeseci“, kao i da „Prava iz stava 1. ovog člana imaju i savjetnici u trajanju od 6 mjeseci, ukoliko su dužnost savjetnika obavljali duže od dvije godine.“

Članom 2. istog zakona definisano je da su „izabrani dužnosnici“ članovi Doma naroda i Predstavničkog doma Parlamenta Federacije Bosne i Hercegovine, da su „nosioci izvršnih funkcija“ Predsjednik i potpredsjednici Federacije, te članovi Vlade Federacije Bosne i Hercegovine, a da se „savjetnicima“ u smislu tog zakona smatraju savjetnici predsjedavajućih domova Parlamenta Federacije i nosioca izvršnih funkcija, te savjetnici rukovodioca samostalnih uprava i samostalnih upravnih organizacija Federacije.

S tim u vezi, ukidanjem te naknade bi se ostvarile **višemilionske uštede** po budžet Federacije BiH.

Kako se radi o anahronom mehanizmu koji nema opravdanje u današnjem sistemu, a posebno uzimajući u obzir trenutne makroekonomske pokazatelje i tešku finansijsku situaciju u Bosni i Hercegovini, značajne potencijalne uštede po budžet Bosne i Hercegovine, kao i opravdano nezadovoljstvo građana naspram privilegija ove vrste, ovaj Zakon predstavlja racionalno i odgovorno rješenje.

### III. – OBRAZLOŽENJE PREDLOŽENIH RJEŠENJA

Članom 1. je precizirano da se član 11. Zakona o plaćama i naknadama u organima vlasti Federacije Bosne i Hercegovine („Službene novine Federacije BiH“, broj 45/10 i 111/12), kojim članom je propisano pravo na navedenu naknadu, briše.

Članom 2. je precizirano da zakon stupa na snagu osmog dana od dana objavljivanja u „Službenim novinama Federacije BiH“.

### IV. – POTREBNA FINANSIJSKA SREDSTVA ZA PROVOĐENJE ZAKONA

Za provođenje Zakona o izmjenama Zakona o plaćama i naknadama u organima vlasti Federacije Bosne i Hercegovine („Službene novine Federacije BiH“, broj 45/10 i 111/12) nisu potrebna dodatna finansijska sredstva.

Naprotiv, ukidanjem prava na navedenu naknadu ostvarit će se potencijalne višemilionske uštede po budžet Federacije Bosne i Hercegovine svake četiri godine, kao i određene uštede u svakoj pojedinačnoj godini.